



Broj: 16-12-16-7431-¹⁰/23
Istočno Sarajevo, ¹⁷.10.2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH”, br. 39/14 i 59/22), člana 9. stav (2) Pravilnika o uslovima i načinu korištenja e-aukcije („Službeni glasnik BiH”, broj 66/16) i Izvještaja o toku i završetku e-aukcije od 12.10.2023. godine, na preporuku Komisije za nabavke za potrebe Državne agencije za istrage i zaštitu u 2023. godini broj 16-12-16-7431/23 od 12.10.2023. godine, u postupku javne nabavke metaldetektorskih vrata za potrebe Državne agencije za istrage i zaštitu, direktor Državne agencije za istrage i zaštitu, d o n o s i

O D L U K U

o izboru najpovoljnijeg ponuđača u postupku javne nabavke
metaldetektorskih vrata za potrebe Državne agencije za istrage i zaštitu

Član 1.

U postupku javne nabavke metaldetektorskih vrata za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, na preporuku Komisije za nabavke za potrebe Agencije u 2023. godini, broj 16-12-16-7431/23 od 12.10.2023. godine, dodijeljuje se ugovor ponuđaču „MIDDLE point electronics” d.o.o. Sarajevo, ponuda broj 16-12-16-7431-6/23 od 03.10.2023. godine za ponuđenu cijenu od 25.600,00 KM bez uračunatog PDV-a.

Član 2.

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-12-16-7431-1/23 od 14.09.2023. godine pokrenut je postupak javne nabavke metaldetektorskih vrata, a za potrebe Agencije u procijenjenoj vrijednosti od 25.641,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-7-1-192-3-53/23 od 21.09.2023. godine i u („Službenom glasniku BiH”, broj 67/23) od 29.09.2023. godine. Predmet javne nabavke je nabavka metaldetektorskih vrata za potrebe Agencije prema tehničkoj specifikaciji koja čini sastavni dio Konkurentskog zahtjeva. Novčana sredstva za predmetnu nabavku su obezbijeđena u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu („Službeni glasnik BiH”, broj 22/23). Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH”, broj 66/16) (u daljem tekstu: Pravilnik). Navedena nabavka predviđena je u Planu javnih nabavki građevina i opreme Agencije za 2023. godinu, pod brojem 3.7.7.

Dalje, obzirom da je tačkom 6. Konkurentskog zahtjeva navedeno da je rok za dostavljanje ponuda 03.10.2023. godine do 13:00 sati, te da se ponude dostavljaju u zatvorenoj koverti, Komisija je dana 03.10.2023. godine u 14:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da je u ostavljenom roku pristiglo pet ponuda na Pisarnicu Agencije. Na javnom otvaranju ponuda prisustvovala je predstavnicu ponuđača „PROTEKTA” d.o.o. Sarajevo, Gordana Mijanović a na osnovu Ovlaštenja broj 176/23 od 02.10.2023. godine.

Blagovremeno je dostavljeno pet ponuda i to:

R.br.	Broj protokola	Naziv ponuđača	Datum i sat prijema ponuda
1.	16-12-16-7431-4/23	„MRG EXPORT-IMPORT” d.o.o. Banja Luka	02.10.2023.g. u 11:35 h
2.	16-12-16-7431-5/23	„SHOT” d.o.o. Zenica	03.10.2023.g. u 09:35 h
3.	16-12-16-7431-6/23	„MIDDLE point electronics” d.o.o. Sarajevo	03.10.2023.g. u 10:35 h
4.	16-12-16-7431-7/23	„SWORD SECURITY” d.o.o. Sarajevo	03.10.2023.g. u 10:45 h
5.	16-12-16-7431-8/23	„PROTEKTA” d.o.o. Sarajevo	03.10.2023.g. u 12:30 h

R.br.	Naziv ponuđača	Ponuđena cijena u KM (bez PDV-a)
1.	„MRG EXPORT-IMPORT” d.o.o. Banja Luka	25.640,00
2.	„SHOT” d.o.o. Zenica	25.640,00
3.	„MIDDLE point electronics” d.o.o. Sarajevo	25.600,00
4.	„SWORD SECURITY” d.o.o. Sarajevo	25.640,00
5.	„PROTEKTA” d.o.o. Sarajevo	25.600,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH”, br. 39/14 i 59/22) (u daljem tekstu: ZJN), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Dalje, Tačkom 3.1.4. Konkurentskog zahtjeva a u skladu sa članom 49. ZJN „Tehnička i profesionalna sposobnost ponuđača” utvrditi će se na osnovu sljedećeg: „na osnovu opisa, kataloga i/ili fotografija robe koja će biti predmet isporuke, linka sa web stranice na kojem se mogu vidjeti tehničke karakteristike ponuđenih metaldetektorskih vrata, a čiju vjerodostojnost je ponuđač obavezan potvrditi”.

Dokazi:

Katalozi sa prospektnom dokumentacijom ili slikama ponuđene opreme sa jasno naznačenim svim oznakama komponenti koje se nude, iz kojih se jasno vidi da sva ponuđena oprema zadovoljava tražene karakteristike opreme. Ukoliko se katalog sa prospektnom dokumentacijom dostavlja na stranom jeziku (jeziku koji nije jedan od službenih jezika u Bosni i Hercegovini) u tom slučaju obavezno se prilaže i prevod ovlaštenog sudskog tumača za jezik sa kojeg je prevod izvršen. Na linku sa web stranice neophodno je da se mogu vidjeti tehničke karakteristike ponuđene opreme (dakle, prihvatljiva je jedna od navedenih opcija: prevedena prospektna dokumentacija ili link sa web stranice). Budući da su web stranice uglavnom na nekom od stranih jezika, Agencija će prihvatiti i takav link, s tim da se na istom precizno mogu vidjeti tehničke karakteristike ponuđene opreme. Ukoliko kao dokaz ponuđač dostavlja link sa web stranice, isti treba dostaviti kao akt, potpisan i ovjeren od strane odgovornog lica ponuđača.

S tim u vezi, a u cilju ocjene tehničkih uslova navedenih u Konkurentskom zahtjevu, Komisija se aktom broj 16-12-16-7431/23 od 04.10.2023. godine i aktom broj 16-12-16-7431/23 od 09.10.2023. godine obratila Sektoru za operativnu podršku Agencije (u daljem tekstu: SOP), tražeći uvid u dostavljene ponude, odnosno, u dostavljene opise sa tehničkim karakteristikama te stručno mišljenje u pogledu ocjene tehničkih karakteristika ponuđene robe, odnosno, da li ponuđena vrata odgovaraju traženim uslovima iz Konkurentskog zahtjeva za predmetni postupak nabavke. Komisija je zaprimila traženo mišljenje stručnih lica SOP-a broj 16-10/5-16-7431/23 od 06.10.2023. godine i broj 16-10/5-16-7431/23 od 10.10.2023. godine, sa obrazloženjem da je prilikom uvida u dostavljene ponude naprijed imenovanih ponuđača konstatovano sljedeće: „da ponude firmi „MRG EXPORT-IMPORT” d.o.o. Banja Luka i „PROTEKTA” d.o.o. Sarajevo ne zadovoljavaju tehničku specifikaciju u smislu da isti nisu ponudili vrata nego stubove za detekciju te se zbog postojeće fizičke infrastrukture Agencije ne mogu montirati na adekvatan način u KDZ punktu. Pored navedenog, u tehničkoj specifikaciji (katalog/opisi) koju su dostavile imenovane firme nema navedeno da ponuđeni uređaj može otkrivati predmete skrivene unutar tijela, odnosno unutar tjelesnih šupljina što je traženo tehničkom specifikacijom kao jedan od postavljenih uslova u Konkurentskom zahtjevu, a što je takođe objašnjeno detaljno kroz Izvještaj o pitanjima i odgovorima u vezi sa Tenderskom dokumentacijom, a sve u skladu sa članom 56. ZJN. Takođe, uvidom u dostavljenu ponudu firme „SWORD SECURITY” d.o.o. Sarajevo konstatovano je da ne zadovoljava postavljenu tehničku specifikaciju u smislu nemogućnosti detekcije mobilnih elektronskih uređaja (uključenih i isključenih), nemogućnosti otkrivanja objekata skrivenih u tijelu, kao i zahtjev da se radi o bezbjednom-pasivnom uređaju. U stavci koja se odnosi na brzinu skeniranja traženo je minimalno 40 prolaza u minute dok je u dokumentima dostupnim na internet stranici ponuđača vidljivo da je potrebno 5 sekundi za prolazak jedne osobe”. Dalje, što se tiče ponuda firme „SHOT” d.o.o. Zenica i „MIDDLE point electronics” d.o.o. Sarajevo iste u potpunosti ispunjavaju uslove postavljene tehničkom specifikacijom iz Konkurentskog zahtjeva”.

Uvidom u sadržaj dostavljenih ponuda, a cijeneći mišljenje stručnih lica SOP-a Agencije, Komisija je utvrdila da ponuđači „SHOT” d.o.o. Zenica i „MIDDLE point electronics” d.o.o. Sarajevo ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti. Takođe, Komisija je utvrdila da navedeni ponuđači ispunjavaju formalno-pravne uslove postavljene u Konkurentskom zahtjevu. Dalje, ponuđači „MRG EXPORT-IMPORT” d.o.o. Banja Luka, „PROTEKTA” d.o.o. Sarajevo i „SWORD SECURITY” d.o.o. Sarajevo ne ispunjavaju kvalifikacione uslove postavljene u Konkurentskom zahtjevu, te se ima smatrati da su ponude imenovanih ponuđača nepravilne. S tim u vezi, ponude ponuđača „MRG EXPORT-IMPORT” d.o.o. Banja Luka, „PROTEKTA” d.o.o. Sarajevo i „SWORD SECURITY” d.o.o. Sarajevo se odbacuju, u skladu sa članom 68. stav (4) tačka i) ZJN.

Za postupak javne nabavke metaldetektorskih vrata za potrebe Agencije, tačkom 8. (8.2.) Konkurentskog zahtjeva predviđeno je provođenje e-aukcije u skladu sa odredbama Pravilnika.

Imajući u vidu da je za predmetni postupak nabavke na pisarnicu Agencije zaprimljeno pet ponuda, od kojih su dvije ponude prihvatljive („SHOT” d.o.o. Zenica i „MIDDLE point electronics” d.o.o. Sarajevo), Komisija za predmetni postupak nabavke zakazuje e-aukciju za dan 12.10.2023. godine sa početkom u 12:00^h, u trajanju od 20 minuta.

Prema Izvještaju o toku i završetku e-aukcije od 12.10.2023. godine, Komisija je sačinila konačnu rang listu ponuđača koji su učestvovali u postupku e-aukcije za predmetni postupak nabavke, kako slijedi:

Redni broj	Naziv ponuđača	Vrijednost ponude u KM (bez PDV-a)	Rang
1.	„MIDDLE point electronics” d.o.o. Sarajevo	25.600,00	1
2.	„SHOT” d.o.o. Zenica	25.640,00	2

Nakon pregledanja dokumentacije priložene uz dostavljene ponude, shodno Izvještaju o toku i završetku e-aukcije od 12.10.2023. godine, Komisija je utvrdila da za predmetni postupak nabavke nije bilo snižavanja cijene ponuda kao kriterija za dodjelu ugovora. Takođe, Komisija je u skladu sa članom 65. st. (1) i (2) ZJN ocijenila ponude kvalifikovanih ponuđača, primjenjujući kriterij najniže cijene iz tačke 8. (8.1.) Konkurentskog zahtjeva, te je sačinila listu ocijenjenih ponuda, kako slijedi:

R. br.	Naziv ponuđača	Vrijednost ponude u KM (bez PDV-a)
1.	„MIDDLE point electronics” d.o.o. Sarajevo	25.600,00
2.	„SHOT” d.o.o. Zenica	25.640,00

Nakon provedenog postupka ocjenjivanja dostavljenih ponuda, shodno Izvještaju o toku i završetku e-aukcije od 12.10.2023. godine, Komisija je utvrdila da je ponuda ponuđača „MIDDLE point electronics” d.o.o. Sarajevo ocijenjena kao najpovoljnija, da ista ne premašuje procijenjenu vrijednost nabavke iz tačke I Odluke o pokretanju postupka javne nabavke metaldetektorskih vrata za potrebe Agencije.

Imajući u vidu naprijed navedeno, prihvaćena je preporuka iz Izvještaja o radu Komisije i odlučeno da se u predmetnom postupku nabavke ugovor dodijeli ponuđaču „MIDDLE point electronics” d.o.o. Sarajevo, kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu. Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima (5x);
- Sektoru za mat.-fin. poslove;
- a/a.



DIREKTOR
GLAVNI GENERALNI INSPEKTOR POLICIJE

Danko Čulum